

Høyring – Kommunedirektøren sitt framlegg til budsjett- og økonomiplan 2022-2025 Innspel frå fagavdeling kultur

Teneste 4000 – bibliotek:

Austrheim folkebibliotek er justert ned med 109.000 kroner, som i følge framlegget til budsjett frå kommunedirektøren er flytta til ungdomstiltak, for å få budsjettet i balanse i fagavdeling kultur.

Biblioteket er eit kombinasjonsbibliotek som driftar skulebiblioteka og folkebiblioteket, og me skal ha tilbod **til alle innbyggjarar**. Me har i fleire år søkt tilskot frå Nasjonalbiblioteket for å kunne levere utadretta tenester til publikum med ulike arrangement og formidling. Per lov skal me ha arrangement i tillegg til tradisjonelt utlån av media. Me skal legge til rette for folkeopplysning. I 2021 fekk me tilskot til prosjektet «Luftig leseglede» til frikjøp av bibliotekar til formidling på ulike arenaer, og me valde å vere mest mogleg ute i friluft i periodar med pandemi. Det er krevjande å måtte hente inn prosjektmidlar som må gjennomførast og rapportert på, og der det er Nasjonalbiblioteket som legg føringa for satsinga til biblioteket.

Til neste år er det ikkje søkt prosjektmidlar, og me må justere ned med 20 % stilling. Med denne nedjusteringa klarar me ikkje å levere gode bibliotektenester til alle nnbyggjarar.

Når me veit kor viktig det er med leseglede for barn og unge, er det merkeleg at nettopp formidling og tiltak for å auke leseglede er det som vert justert ned.

År	Folkebibliotek	Skulebibliotek	Totalt	kommentar
2022-2025	100 % (60+40)	20% (10+10)	120 %	I tillegg sel me 20% til AUV
Før 2005	170% (80+40+50)	10 lærartimar (5+5)	190%	

Dette er mindre ressursar enn det var for mange ti-år tilbake, og i tillegg var det 100% kulturkonsulent, no er den stillinga 40%. Det er behov for auke i bibliotekressurs og ikkje reduksjon.

Midlar til honorar er minimalt, og det vert ikkje mange forfattarvitjingar og anna formidling på biblioteket i økonomiperioden. Har me kveldsarrangement må me forskyve arbeidstid, samt avspasere. Det er ikkje økonomi til overtid og ekstra ressurs. Det fører til at me avspaserer i feriar, og biblioteket er stengt når publikum har fri i jula, påska, og fleire veker om sommaren. Tidlegare var biblioteket ope heile sommaren.

Sidan 2019 er mediebudsjettet redusert med kr 48.000 kroner.

Kjøp av digitale e-bøker og lydbøker er langt dyrare enn papirbok og cd/DVD. Me har fått signal frå fylkesbiblioteket at det vert auke på felles innkjøp av digitale media på 3 gongar det me betalar i dag.

Biblioteksjef i 60 % samt bibliotekar i 80 %, der 20 % er på Austrheim vidaregåande skule, gjer at det er lite rom for samhandling tverrfagleg med andre avdelingar, og med publikum og frivillige lag. Det er 3 ulike bibliotek me driftar Dessverre kan me ikkje lenger vere fleksible i forhold til skulane. Per lov skal det vere tilbod om skulebibliotek i skuletida.

Me gjer merksam på at i 2018 var budsjettet for biblioteket på kr 1.647.000, mens i framlegget til budsjett 2022 frå kommunedirektøren er ramma sett til 1.213.000.

Biblioteket ber om at budsjettramma frå 2021 på kr 1.322.000 vert vidareført i økonomiplan for 2022-2025.

Teneste 4200 - Tiltak barn og unge/Ungdomsklubb:

Denne tenesta har fått overført 109.000 kroner frå biblioteket som ei intern justering for å ha nok pengar til stillingane i tenesta. Ungdomskoordinator var tidlegare 15 % folkehelsekoordinator for unge, og denne stillinga vart ført økonomisk på rådmannen si teneste. Frå 2020 er ikkje lenger ungdomskoordinator registrert som folkehelsekoordinator, og heile stillinga vert no utbetalt frå fagavdeling kultur. Det er rapportert i heile 2020 at det ikkje er nok lønsmidlar til å lønne ungdomskoordinator i 100 % stilling på budsjettet til teneste 4200. Det er uaktuelt å redusere stillinga og seie opp ungdomskoordinator i 15 % stilling, og i framlegg til økonomiplan frå kommunaldirektøren er dette løyst utan å tilføre eksterne lønsmidlar, men med å overføre budsjettmidlar frå biblioteket.

Eg gjer merksam på at det er særst lite frie midlar i budsjettet til ansvar 4200 Tiltak barn og unge/Ungdomsklubb. Det meste me har av aktivitet innan ungdomsarbeidet er finansiert gjennom tilskot frå andre aktørar. Kommunen har budsjett til tilsette og lokale. Festivalen Havglede er finansiert via tilskot, men skal me fortsette med satsinga på havsport og Havsportssenteret må det vere budsjettmidlar i økonomiplanen.

I 2021 fekk fagavdeling kultur inn tilskot på kr 784.700 til aktivitet for innbyggjarar i Austrheim kommune. Det er ikkje sjølvstakt at me får like mykje i tilskot i 2022. Utan eigendel er det lite tilskot å hente frå andre aktørar. Me må kunne vise til at kommunen prioriterer område me søker tilskot til. Me får dessverre ikkje tilskot utan at kommunen også prioriterer satsingsområde det vert lyst ut tilskot til.

Oversikt over tilskot fagavdeling kultur har søkt og fått i 2021:

søkt frå	kven søkte	søknadssum	innvilga tilskot	Budsjett	WebsakFokus	kommentar
Vestland fylke	Anita	131 500	131 500	258 500		Trafikksikring i Austrheim
Bufo	Anita	300 000	140 000			Inkludering
Miljødep/Vestland fylke	Anita	30 000	60 000			Til aktivitet med Friskus
Tubfrim	Anita	40 000	10 000			Ny turnmadrass i Idrettshallen
Gjensidige	Anita	298 200	298 200			Sommeraktiviteter + ung jobb
Vestland fylke/bibliotekutvikling	Kari	150 000	-			Bibliotek på bakkeplan -meir
Nasjonalbiblioteket	Kari	75 000	75 000		15/192	Prosjekt Luftig leseglede 2021
Ungdom og fritid	Heidi	20 000	20 000			Vannballer til HavGlede
Sparebanken vest	Anita	100 000	50 000			HavGlede
Equinor	Anita/ Heidi	10 000				Hobbyutstyr til AUK
		1 154 700	784 700			

Fagavdeling kultur ønskjer å samhandle for at alle som bur i kommunen skal oppleve «Det gode liv». Levande lokalsamfunn med møteplassar og kulturtilbod til alle uansett alder er vesentleg for at Austrheim fortsett skal vere ein god kommune å bu i.

Teneste 4300 – Anna kultur

I 2018 var det kr 1.211.000 på budsjettet til anna kultur. Over år er budsjettet redusert, og me deler ut langt mindre tilskot, brukar mindre pengar på nye tiltak, og mindre til turstiar og kulturminne. I opphavleg budsjett i økonomiplanen var det kr 700.000, men kommunedirektøren har i sitt framlegg auka med kr 100.000. I økonomiplan for 2022-2025 er ramma på kr 800.000.

I ein periode med pandemi har det vore få festivalar, og frivillige lag har hatt lite aktivitet. Ingen Landbruksdag ei heller Fønnesdagar. Kulturdagar har det heller ikkje vore sidan 2018, og det er ikkje delt ut kulturpris. Auke på kr 100.000 er heilt nødvendig for at me igjen skal kunne samhandle med lag og organisasjonar og eldsjeler i kommunen. Eit kulturbudsjett som stort sett berre har til dekking av faste utgifter og avtalar gjer lite rom for samhandling med andre avdelingar for det gode liv i Austrheim for alle.

19. november 2021

Kari Torkildsen Utkilen
fagansvarleg kultur
Austrheim kommune